



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Oliverii Florentii Waterloop Congreg. Oratorii B. Mariae
Aspricol. Presbyteri Monita Spiritvalia Et Moralia
Tetrastichis distincta**

Waterloop, Oliverius F.

Antverpiae, 1657

Titulus IV. Via Crucis.

urn:nbn:de:hbz:466:1-9689

POEMATVM SPIRITVALIVM
PARTIS SECUNDÆ
TITVLVS QVARTVS.

Via Crucis.

I. **B**Inæ per orbem sunt viæ:
Vnam frequésterit Cain;
It rarus Abel alterâ.
Nomen pusillo da gregi.

Cælo exul, ô terræ incola,
Quid quæris ad Cælum viam?
Descendit ad te cælitus
Hæc ipsa, quam quæris, Via.

Est arcta, clamat Veritas,
Quæ dicit ad vitam via,
Et trita paucis. Tu stude
Augere paucorum gregem.

Speciosa ridet, & pater
Spatiosa ad Inferos via:
Sed arcta, visuque horrida,
Ad Astra dicit semita.

Angusta si non te via
Adducat in latum locum:
Te lata in angustum via
In fine perducet locum.

Qui quæris ad Cælum viam,
CHRISTI vide vestigia,
Sculptumque saxo sanguinem:
Hac itur ad Cælum viâ.

Est strata plurimâ Cruce,
Ad Astra quæ dicit via.
Cruenta Cælum scanditur
Per Martyrum vestigia.

Pauperculis, mœrentibus,
Placidis, modestis, mitibus,
Æqui bonique amantibus,
Cæli parantur atria.

Quicumque parcè seminas,
Parcè metes: fuge inertiam.
Ad ampla cæli præmia
Et vi & labore fit via.

Haud mollis è terris via
Ad Astra dicit: æstimat
Amatque prudens aspera,
Quæ stultus odit, aut timet.

Virtutis est gravis labor,
Et grandis ad Cælum via:
At visa merces grandior
Viæ laborem deterit.

Nil possit esse molestius,
Nihil laboriosius,
Nil arduum aut durum nimis,
Ad Astra quod sternit viam.

Quis

Quis dicat, æternam sibi
Constatre magno gloriam,
Qui viderit de nupero
Lictore factum Martyrem?

Vives beatus, cùm bona
Bonis parata noveris;
Cùm noveris, ditescere
Labore quantillo queas.

Est longa Virtutis via:
Totam simul si prospicis,
Totam relinques: quis rate
Simul omne transmisit mare?

Fit, quando fert opem Deus,
Facile quod arduum fuit:
Cælo favente, pallium.
Aut vimen, est ratis loco.

Virtutis accessu ardua,
Ne terreat mollem via;
Ad hanc amoena, si lubet,
Te duco per viridaria.

2. Palmam præit victoria:
Sed anteit victoriam.
Certamen, & luctæ labor.
Optas potiri? stet pati.

Ne, qui inter electos cupis
Vitæ notari in codice,
Pati recuses: est gregis
Character electi, PATI.

Insigne Romanum fuit,
Et fortia facere, & pati:
Nunc Christianum est. Nomine
Es Christianus? re proba.

Est Caritatis maximæ,
Mala sustinere maxima:
Tolerare damna ingentia,
Ingentis est patientia.

Armare te patientiâ,
Cur, Christiane, negligis
Cùm tot molesta inter mala,
Vitare non possis PATI?

Adversa ferre fortiter,
Fortem decet verè virum:
Perferre dura suaviter,
Est Christiani pectoris.

Egisse vincit fortia,
Res una fortior, pati:
Animi reconditas habet,
Servatque opes patientia.

Ne cede, recta mens, malis;
Sed ito contrâ audentior.
Debent simul cor vividum,
Et difficultas crescere.

3. In Sanctitatis ingredi
Templum cupis? Crux, regia
Est porta. Si illuc alterâ
Tendis viâ, invenies nihil.

Meliora, docti cælitus,
Charismata æmulamini;
Et regiam Crucis gradu
Inita constanti viam.

Via pacis, est amor Crucis:
Hanc ingredi quisquis voles,
Ama Crucem; sed amabilem
Inter cruces, DOMINI CRUCEM.

Tuam

Tuam ut feras, & præferas
Omni voluptati crucem;
Hanc, nō nisi in CHRISTI Cruce,
CHRISTIQUE amore, respice.

Est pro Fide CHRISTI crucem
Subire, semen gloriæ.
Æternitas unam crucem
Centum repensat laureis.

Cùm magnus urit te dolor,
Mœroris æstum ut mitiges,
Majora CHRISTI respice
Tomenta; despicies tua.

Sit nudus, & fixus Crucis
Hominis Deique Filius,
Baculus viæ, lasso quies,
Pax anxiæ, vitæ scopus.

CHRISTUS cruentus, & lacer,
Humeris suam tollit Crucem:
Simon juvat. Tu fer tuam;
CHRISTUS ferenti fert opem.

CHRISTO, Cruciisque debitam
Sperans salutem, fac benè.
CHRISTUM illa pro nobis tulit;
Tulit iste pro nobis Crucem.

Tomenta, quæ tuus tulit
Rex & Redemptor, adspice:
Hæc passus est, tuum ut suo
Amore amorem suscitet.

Amore IESU, tot mala
Patientis in tuum bonum,
Hoc præbibente, fel bibe,
Absinthiumque devora.

4. Plures labores & cruces
His dat Deus, quos plus amat.
Quo crux laborq; erit amplior,
Hoc plus amoris colliges.

Stringat, prematque te Deus;
Luctare Jacob, dum bene
Tibi dicat: ille te abjicit,
Ut servet; ut det, abnuit.

Est vena IESUS gaudii.
Mœrore pro IESU tuo
Lætus labora: erit merum,
Tibi mœror iste, gaudium.

Cùm dulce amarum erit tibi,
Amara fient dulcia:
Amara quondam, per Crucis
Sunt facta lignum dulcia.

Amore qui IESU cales,
Ejusque sub Cruce militas,
Spera perenni lumine
Hujus sub umbrâ perfui.

Gemmis & auro nobiles
Cruces ama: sed aureæ
Præfer coronæ spineam,
Quæ gloriæ gignat rosas.

DEI Parentem Virginem
Imitare: præsepe, & crucem
Amat; sed Ægyptum suo
Comitata IESU non fugit.

Flentem MARIA IESULUM
Audit; canorem, ovium duces.
Partem MARIA si optimam
Elegit; hanc & tu elige.

K.

In

In monte Thabor non fuit
MARIA, sed Calvariæ.
Bona illa pars; hæc optima:
Bonâ abstine, fruere optimâ.

Cur Petre montem splendidum
Amas, & obscurum fugis?
Hic fūsus audebit crōr
Splendore solem vincere.

Novi calorem spiritūs
Comitabitur tentatio:
Vt obviam sumas Crucem,
Compone mentem, ne ruas.

Lactatus es? jactaberis;
Prius Angelus, pōst vix homo:
At dura lētanter pati
Iam doctus, eris Homo-angelus.

Placidi favorem Numinis
Si mutat aura discolor:
Cuncta esse cūm scias DEI,
Sine esse; te serva DEO.

Quam ventus incursat frequens,
Solidatur arbor; stringitur
Vexatione, & altius
Agitata radices agit.

Non obstinatis ictibus,
Longōve luctæ tædio
Cadat animus: quam vult Deus
Firmare virtutem, probat.

Seu fel propinet gratia,
Seu mella stillet; Numini
Modò servias, modò placeas,
Cur susque déque non habes?

Sors varia.

7. **L**Vgebis, ut pōst gaudeas;
Gaudebis, ut pōst lugeas:
Amara nexa dulcibus
Vitæ catena continet.

Sperásne juge gaudium
Mœroris expers, ô homo,
Gaudere? vera non potest
Carere vita lacrymis.

Timebis inter suavia;
Sperabis inter aspera.
Hæc vita: gaudio dolor
Cedit; dolori gaudium.

Tenore res vario fluunt.
Mortalium rector Deus
Vtramque sortem dividit:
Timet homo vanus, aut tumet.

Metuit in arctis, in bonis
Cæco insolescit gaudio:
Hunc recta mens non dirigit,
Sed æger affectus trahit.

Breves in horas mobilis
Hæc vita ridet, aut gemit:
Et unde diviti metus,
Hinc pauperi spes nascitur;

Spem nutat inter & metum;
Audet, fugit, vult, abnuit;
Amat, odit, exultat, dolet,
Vitæque vivit immemor.

8. DEI

POEMATVM SPIRITVALIVM PARS II. 75

8. DEI eruditus spiritu,
Variabiles vitæ vices,
Et dispare rerum exitus
Pari intuere lumine.

Fit hora nemini bona,
Quæ non sit alteri mala:
Nec hora fit cuiquam mala,
Quæ non sit alteri bona.

Securiora gaudia
Carere ne puta dolis.
Diffide lætis: ni times,
Vincēris; imò victus es.

Vbi omnium perpenderis
Rerum vicissitudinem;
Secunda te non efferent,
Adversa te non depriment.

Fortuna quamvis aurea
Tibi, tuisque rideat;
Relictus à patientiâ,
Diu esse felix non potes.

9. In rebus æternis tuam
Felicitatem colloca:
Tuum nec esse censeas,
Fortuna quod fecit tuum.

Volubili plures Deæ
Faciunt sacrum; pauci litant.
Fortuna in hos est pessima,
Qui promerentur optima.

Quid ejulas, aut ringeris,
Quererisve quod benè sit malis,
Malè sit bonis? Numquam simul
Duo regna sunt, Mundi, & Dei.

Luit absque culpâ vir bonus,
Non absque causâ. Quod Deus
Opus probat, quis improbet?
Solus, quod egit, hoc agit.

Iustè alteri donat Deus,
Quod alteri justè eripit.
Mutantur humana omnia,
Varioque volvuntur modo.

10. Fortuna, si quid ea Dea
Est, nominatur, fingitur;
Nos sæpius ludos facit:
Cur non & ipsam ludimus?

Quos ficta ludos exhibet
Fortuna, pro ludis habe.
Mentes sumus, non corpora:
Haud illa tanget, quod sumus.

In orbe nil constat diu;
Nil est perenne; casibus
Sors cuncta versat. Hanc fidem
Admittis? amittis tuam.

Sors ridet, ut vides, tibi;
Sed te, vide, ne rideat:
Spondet quietem: sed labor
Speciem quietis opprimet.

Sors ore ridens blandulo,
Vultus resumet asperos:
Vernantis est instar rosæ;
Vere orta, Vere concidit.

Sors dona partitur sua;
Sed ludit, & donat nihil.
Quod arbitraris hanc dare,
Deponit, ut repeatat semel.

K 2

Quie-



Quiete quando propriâ
Contentus es, vel commodo,
Adversus eventus tibi
Stultam quietem subruet.

Cùm sors sinistra te solo,
Spem præter, adfluxit semel;
Quâ sorte prosperum velis
Sperare, quidquid imminet?

Obesse non erit semel
Contenta sors: iterum oberit.
Nullum tibi eveniet malum,
Quod non sequatur alterum.

11. Ridente sorte, sis memor
Solonis, & proverbii:
Sors læta perdit neminem,
Quem non prius stultum facit.

Humana mens felicibus
Sublata rebus, immemor
Sui, futuri nescia,
Servare vix novit modum.

Rebus memento prosperis
Servare cunctanter modum:
Dum cuncta pro voto fluunt,
Lætas quatit mœror fores.

Attenta semper mens tua
Vbiqüe vigilet, ne novi
Concussa forte turbinis,
Quæ stabat antè, concidat.

Quò fluctuantis altius.
Te sortis aura sustulit;
Hoc ad ruinam pronior,
Tergo propinquam, promines.

Facilè citoque frangitur,
Cùm maximè fulget, vitrum:
Sors quando ridet prospera,
Mutationem cogitat.

Res læta mœrorem trahit;
Sors blanda captatum venit:
Tunc est habenda maximè
Suspœcta, quando est prospera.

Fortuna nulla est, aut levis:
Citò reposcit, quod dedit.
Cùm delicate pranderis,
Verere ne cœnes male.

Quam fluxa produxit dies
Felicitatem, non ames:
Struxisse quam valuit dies,
Dies valebit solvere.

Rerum secundis flatibus
Noli ante mortem credere:
Scit nemo mortalis, sibi
Ventura quid vehat dies.

Rebus secundis si potes
Tumere, sat nondum sapis:
Suam quis umbram conspicit
Crevisse post victoriam?

Hominem vicissim res facit
Adversa timidum; res facit
Tumidum secunda: sic tuus
Timore ponatur tumor.

Te stringe, quando maximè
Sors obsecundat aurea:
Venti sub aurâ prosperi
Inflata vela contrahe.

Ventos

POEMATVM SPIRITALIVM PARS II. 77

Ventos voca Favonios,
Quos vulgus adversos vocat:
Favere quos vulgus putat,
Vir justus adverſos habet.

Desiderata calamitas,
Virtutis est occasio:
Quò te secunda non tulit,
Rebellis aura subvehet.

Te quando pinguis otii.
Securior laxat quies,
Deplange fortem: adversitas
Virtutis est occasio..

Si te, quasi in lento mari,
Felicitate torpidum
Iners habet tranquillitas;
Dilatus es: fluctus time..

Nihil minus fors tollere,
Quàm quidquid attulit, potest.
Zephyro modestus utere,
Euro paratus, & Noto.

Quàm fluxa sit mortalium,
Et quàm brevis felicitas;
Quàm sit caduca gratia;
Iosephus, & carcer docent.

Nihil stultius, quàm prosperis
In rebus insoleſcere:
Quæ silva cælo creverat,
Deo volente fit cinis.

Est sorte Virtus tutior:
Illa impetus rerum levis;
Hæc clavis est vita. Fuge
Intuta, tuta amplectere.

Res omnium dignissima est,
In prosperis Prudentia:
In rebus adversis nihil
Honestius Patientiâ.

Adversa quem non dejicit,
Res nec secunda effert nimis,
Hic mentis & sapientiæ
Fructum latentis indicat.

In prosperis cùm te geres
Prudenter, his addet DEUS.
Quod læta prosperitas bonum
Aperit citò, leviter perit.

Quò se altius Sol extulit,
Vmbras minores hòc jacit:
Prudentior mens lenius
Inter secunda se gerit.

Abitura sperne; ne tibi
Cor efferat res prospéra:
In cörde circumfer DEUM;
Imitare Matrem Virginem.

12. Humana perfer suaviter;
Divina conſtanter cole:
Mentem bonam Deus sui
Accendet igne spiritus.

Adversa qui non sentiat,
Marmor sit ille, non homo;
Adversa qui Patientiâ
Vincit, vir est, ingens homo.

Extrema cùm te res premit,
Tibi una sit vinci salus,
Putaque damnum vincere:
Iactura cedet in lucrum.

K 3 Bea-

Beate, quem Crux erudit !
At ille ter quater miser,
Quem sœculi, siveque amor,
Excludit à scholâ Crucis.

12. Iobus quot inter turbines,
Quot & ruinas, optimâ
Spe firmus, admirabili
Constantiâ erectus stetit!

Inimica vis pecus abigit ;
Quod restat, ignis devorat;
Vna universos protinus
Sépelit ruina liberos.

At iste quid Iobus fuit ?
Non ulcerosus, at merum
Fuit ulcus, innocentiae
Exemplar, & patientiae.

14. Est, hoste qui caret, miser,
Inertiæque proximus:
Nam maximum sine minimo
Non vincitur periculum.

Si mente, quam subis crucem,
Iniquiore sustines ;
Ornare quo te vult Deus
Honore, te indignum facis.

Te vita damnat, aut beat,
Ignara Purgatorii.
Cruces amas ? Paradisus est.
Horres cruces ? Infernus est.

Tuam Deo ut probes fidem,
Vexationes aestima:
Nullam fer ægrius crucem,
Quam vivere expertem crucis.

Quò duriora gesties
Amore CHRISTI perpeti,
Hoc clarissimum signum tui
Amoris in CHRISTUM dabis.

15. Nostris pudor languoribus
Sit barbaræ gentis rigor,
Quæ se, cruenta ferreos
Artus, suis sacrat Diis.

Minas, vir, horres, & cruces ?
Sexus & ætas debilis
Vrginæ, convitum
Ignaviæ faciunt tuæ.

Blandina torta clamitat ;
Sum Christiana . Tu tuos
Inter dolores dic frequens:
Sum Christianus ; aut file.

Vis Margaritæ nomini
Parem referre imaginem ?
Tibi sub pedes esto draco,
In corde crux, cor in DEO.

36. Crux, carcer, ærumna, rotæ,
Lacerationes artuum,
Ignes, catenæ, compedes,
Ad astra tollunt spiritum.

Nec verba declarant satis,
Nec sensus exactè capit,
Vnius internæ crucis
Quam digna sit tolerantia.

Sic temperantur singula
Momenta rerum, ut omnia
Deo duce in bonum bonis
Cedant, & in malum malis.

Spes

POEMATVM SPIRITUALIVM PARS II. 79

Spes inter adversantia,
Est mentis insontis nota:
Nisi innocens sis, vix queas
Sperare de malis bonum.

Famem, sitim, internas crues
Amore CHRISTI ama pati:
Hoc luce mentis, hoc DEO
Est pace cordis gratius.

Oculis DEI fordet magis
Vitii cupido vel levis,
Quam quod molestâ sub cruce,
Tenebrisve sordium gemas.

Cupita si perfeceris,
Crescit cupido; & hinc dolor,
Mœrorque. Tu cave prior;
Placeatque amarities minor.

Virtutis unica uncia,
Tenebras sed inter aridas
Ex mentis orta vertice,
Aliis trecentis prævalet.

Tibi sit satis, vitam tuam
Quod mentis arbiter probat:
Sentire, vel probabili
Ratione nosse, nil juvat.

Inter tenebras, & crues,
Quæque orbis hic gignit mala,
Cæci instar, unâ sub DEI
Incede providentiâ.

In re molestâ nil move,
Quin mente tranquillâ prius
Æternitatem videris.
Hoc te docebit Humilitas.

Quocumque consitas loco,
Vbique IESUS imperet;
Vbique vivat Humilitas,
Vbique regnet Caritas.

Adflante vento naviga;
Vertente, fiste paullulum,
Aut flecte vela: Numinis
Stude voluntatem sequi.

Magnum atque vicinum DEO,
Non concuti. Tranquillitas
Est optimæ mentis status,
Obtemperantis Numini.

In orbe nil adeò ferum,
Quod viva non domet Fides:
Fide cor adfixum DEO
Procella nulla cóncutit.

Vera in DEUM fiducia
In rebus arctis cernitur.
Cùm spes in angusto tua
Luctatur, est Deus propè.

17. Pax cordis ô Deus; ô bonæ
Dulcedo mentis, omnium
Nitela rerum, tu mei
Compone fluctus pectoris.

Mihi CHRISTE vinum deficit,
Aqua est bibenda. At imminet
Intercutis periculum:
Morbis, Salus mea, præveni.

Ne quod prius dederas, neget,
Aut perditum hostis exprobret.
Sed; anne sentio? quid hoc?
Mutata vini munera.

Ada-

Adamus, Abraham, Moyses,
Prophetæ erant primum merum;
Aqua Phariseus: optimi
I e s u meri es vivus latex.

18. Nulli malo in re turbidâ
Submitte pectus; spem tene:
Spes sola, te nixum Deo,
Nec morte in ipsâ deseret.

Si cuncta quæ tibi accidunt
De Numinis sumas manu;
Gaudebis omni de bono;
Nullo dolebis de malo.

Mortalis in vitæ mari,
Tua mens juventi Numini
Sit nixa: talis neminem
Vmquam fefellit ancora.

Fingat, refingat, ut libet,
Quod vasculum è luto Deo
Formavit: illi credita
Perire nulla res potest.

Felicia adversus DEI
Sperare providentiam,
Noli aestimare simplicem
Amentiam: est duplex furor.

Si non voluntatem tuam
DEI ad voluntatem ligas,
Aptasque; vitam turbidam
Vives, & incerti exitus.

Hostis furit? quid angeris?
Tuos ad unum omnes Deus
Numerat capillos: ceteris
Timere quid membris potes?

Meliora quām tu cogites,
De te Deus deliberat.
A rebus arctis plurimos
Erexit afflictos Deus.

19. Mala sustine, quæ non nisi
Malè sustinenti, sunt mala:
His abstine, quæ non nisi
His abstinenti, sunt bona.

Nihil labores in Cruce,
Ex hoc vel illo sit tibi
Ligno eligenda; amplectere
Quam Numen elegit Crucem.

Crucem tuam fer; alteri
Suam relinque: munia
Commissa nemini invide:
Sua cuique crux; nil est nimis.

Aliena plus placent, tuæ
Te quando fortis pœnitent;
Aliis tua: at pauci velint
Mutare, si ad rem venerint.

20. Fer dura lætus, ne malum
Mœrore stulto duplices:
Conferre solamen solet,
In re malâ bonus animus.

Invitus ille nil facit;
Decreta qui pensat DEI.
Quod ille vult, cum non queas
Vitare, quin lubens velis?

Solamen, ut careas, habe:
Care, ut habeas: non res duas,
Carere, habere, unam puta:
Deoque da quod accipis.

Inter

Inter dolores suavitas,
Pax inter iras te virum
Ostendat: hoc oleo tuæ
Fac flamma vivat lampadis.

Molesta cùm fers suaviter
Tranquillus inter turbida,
Virtutis exhibes tuæ
Illustre testimonium.

Quod durius fuerit pati,
Meminisse spera dulcius.
Si ferre nolis aspera,
Sperare noli prospera.

Vbi est gradus patientia,
Ibi fortitudo fit status:
Ad pacis altæ gaudium
Te subvehet patientia.

Patiens doloris fac bonum;
Es liber à violentiâ:
Ad rem malam cogi nequit,
Qui scit dolorem perpeti.

Quò plus laboris hauseris,
Plus coxeris molestiæ,
Mercedis hòc te plus manet:
Vincet dolorem gaudium.

Benè est, quòd assuescis crucès
Animi labore vincere:
Pugnæ fuit comes labor,
Nunc palma erit victoria.

Te multa oportet perpeti:
Patiens doloris nescius,
Patientiæ expers vir bonus,
Nullo fuere sæculo.

Vt gaudeas, ama pati:
Tam nemo felix est homo,
Qui dum caret patientiâ,
Censore se non sit miser.

Probra inter, & mentis crucès,
Quemcumque fortem videris,
Miserum nega: quin verius
Hunc ter beatum prædica.

21. Homo, es quidē miserum animal,
Multasque fers molestias:
Sed hoc tuum levet malum,
Tales quòd innumeros vides.

Tua vita sit multis licet
Vbiique cincta casibus;
Ferendo disces omnium
Oblivionem casuum.

Subjecta nondum cognitis
Est vita longa casibus.
Quid anxie cineres fugis?
Securus in prunas cades.

Attende, ne faciat fuga
Te repperire, quod fugis.
Dum ficta devitas mala,
In vera temet projicis.

Molesta nequicquam fugis;
Supera ferendo: si levem
Vitas pruinam, nix ruet:
Vrsum fugis? rapiet leo.

Bonus premēris, aut malus.
Te vis bonum, quasi jus, premet;
Aut jus premet, quasi vis, malum:
Hoc vita, & illud elige.

L

In

In te nihil firmum, nihil
Expers senectæ, præter has
Quæ te premunt molestias,
Et magna turbaru[m] agmina.

Horæ, dies, menses fluunt;
Volvuntur anni; ætas fugit:
Nec ulla vitæ tempora
Dolore vel metu vacant.

In rebus humanis nihil
Tam prosperum, cui non suus
Sit luctus afflcta, aut comes:
Mala juncta cunctis sunt bonis.

Rerum omnium variant vices:
Etiam suas dies habent.
Hodierna si fuerit parens,
Erit neverca craftina.

Vt cumque in alto ventus est,
Exinde velum vertitur:
Neverca s[æ]pè pessimum
Ex patre fecit vitricum.

Felicitatis si comes,
Vel est sequela, adflictio;
Adflictionem proximè
Post se trahet felicitas.

Luctum subit breve gaudium;
Post gaudium luctus redit:
In spe vicissim vel metu
Homo vivit, ambiguus sui.

Vitæ per humanæ vices,
Quod est necesse, fortiter
Perfer malum: doloribus
Acquiritur patientia.

Lepidè probas quām sis miser,
Quòd esse te miserum putas:
Hæc reru[m] abundantí potest
Contingere infelicitas.

Homo es: dolorē tamquam homo
Admitte; vince tamquam homo.
Nulli dolori cedere
Cælestis audet gratia.

Vix illus exors tristium:
Abs te, quod est nimium, fuga:
Nam s[æ]pè morbos haud leves
Secum gravis mœror vehit.

Spatium relinque luctui:
Querulo dolore cùm semel
Obsessa mens est, pervias
Ad læta non habet fores.

Noli tuam superfluo
Augere miseriam metu:
Timere stultum est, quod metu
Mutare non possis tuo.

Prudens suo monitu facit
Patiturque, quod facere aut pati
Monitu alieno debeat,
Nisi ipse pareret suo.

Variæ monent rerum vices,
Moneamus ut nos. Te mone:
Si non monueris; te monent,
Monuisse quod neglexeris.

In rebus antè si tuis
Censuque quod fuit, deest;
Hoc disce contentus frui,
Mutata quod dant tempora.

22. Vir-

POEMATVM SPIRITVALIVM PARS II.

33

- | | |
|---|---|
| 22. Virtute, quamlibet grave
Levabis & premes malum:
Opinionis pondere
Gravabis auctu centuplo. | Est æqua pœna, si malum
Quod feceris debes pati:
Ratione & assuetudine
Incommodum fit commodum. |
| Quò durus adsuescas malis,
Opiniones edoma:
Te nulla læserunt, priùs
Quàm questus es lædi, mala. | Quam fers tuo merito crucem,
Exosculare: mens crucis
Amore facta purior,
Est cara Cælo victima. |
| Necessitatum incommoda
Ridebis assuetus malis:
Te nulla tunc lædent mala,
Cùm dixeris non lædere. | Potiere votis, si priùs
Patiare quæ debes pati:
Quietis optatæ bono
Potiere post patientiam. |
| Lædi volens à nemine,
Te nemo lædet: lædere
Quis namque possit, te nisi
Et ipse lædi sentias? | Necessitatis legibus
Natura corpus subjicit:
Ad regna mentem libera
Probata virtus efferet. |
| Lædi à seipso qui nequit,
Lædi potest à nemine.
Felicitatis quilibet,
Et fortis est faber suæ. | Te sponte legi convenit
Necessitatis obsequi:
Vnum levamen in malis
Est, ipsa leniter pati. |
| Haud imparatus fit tibi
Animus ferendas ad cruces;
Quas antè sis memor tuo
Te fabricasse malleo. | Quæ sensui sunt aspera,
Mors mollit & patientia:
Eris omnium miserrimus,
Si dura non discas pati. |
| Res inter arctas quòd tuos
Nævos vides, donum est Dei:
Age gratias: quos mel parit,
Absinthium vermes necat. | Adversa magnanimum acuunt;
Mollem remittunt prospera:
Labor laborem deterit;
Dolor dolorem proterit. |
| Tibi de cruce est stultum queri,
Quà culpa purgatur tua:
Peccasse noxiū fuit;
Subire pœnas, utile. | Novitas iniquum cladibus
Dat pondus: est levior vetus
Ærumna: longi temporis
Patientia obruit malum. |

L 2 Gra-

Gravioribus suetus malis,
Leviora non graviter feres:
Haud perit me scit maximum
Incus tumultum maxima.

Cum lœva sors miserum premet,
Aut comminabitur malum;
Nescire primum, est omnia;
Nescire postremum, nihil.

Fer, craftini spe commodi,
Hujus diei incommoda:
Omni loco, omni tempore,
Ferendo duris immine.

Casus diei te asperi,
Vel prosperi moveat nihil:
Res quæque momentanea
Citò venit, ut fugiat citò.

Incommodum perfer libens,
Si vis potiri commodo:
Quod ledit, & quod recreat,
Se mutuâ dabunt vice.

Quæ jure, sive injuriâ
Toleras, iis quæ ceteri
Graviora patrant, compara:
Quod fers onus, fiet leve.

Quæcumque in hac vitâ tibi
Tormenta continget pati,
Æternitatis ad rogum
Collata, sunt umbra, & jocus.

Beatores, quos foris
Miraris, intus aspice:
A ceterorum cœtibus
Nihil dolore differunt.

Qui spernis absentes cruces,
Præsentibus curvaberis:
Cras non eris similis tibi,
Hodie sonanti grandia.

Patientiam alteri potens
Suadere, quin suades tibi?
Patientiam facile omnibus
Suadere, difficile est pati.


23. Malo imminentे sæpiùs
Est pejor expectatio;
Malique pessimi mora
Est pejor ipsomet malo.

Prævisa vix feriunt mala.
Hæc tu, priusquam venerint,
Tolerare disce: seriùs
Cavebis in mediis malis.

Discrimen instantis mali
Disce ante discrimen pati:
Ægrè malum præsens feres,
Nisi id futurum senseris.

Injuriarum imagines,
Et ficta sustines mala?
Hinc disce vera perpeti,
Sontique gratiā refer.

Lædens loquela, vel manus,
Quæ fingitur; ni vincitur
Pietatis ignoscentiâ,
Lædens reipsâ haud vincitur.



Sperne

Sperne sperni.

24. **B**ilem inquieti pectoris
In te protervus evomit.
Vicēsne reddas? Neglige,
Auferre quod nequis, malum.

Sublime virtutis genus
Conculcat orbis degener:
Sibique similes erigit,
Premitque dissimiles sibi.

Calumniæ molimina,
Et invidorum sibilos,
Mentis modestæ robore,
Ceu palma ranas, despice.

Est præmium virtus sibi:
Claret seipsâ: spiculi
Linguæ nigræ, & discriminis
Secura venturi, nitet:

Nil exteræ cupiens opis,
Nil laudis exteræ indiga,
Tumere nescit fascibus,
Popularibûsve plausibus:

Animosa propriis bonis,
Immota duris; sæculi
Caduca, fluxa, inania,
Ab arce summâ despicit.

Patientiæ necessitas
Vbiique regnat. At bonum
Si dum facis, pateris malum,
Duplicem merēris lauream.

Pati necesse est: sed pati
Benè ut operis, est opus
Dignum coronâ duplice,
Patientiæ, atque operis boni.

Pulchrum pati; at pati mala,
Bona faciendo, pulchrius:
Est magna laus operis boni;
Patientiæ laus maxima.

Te, quando ne perdas DEUM
Facis bona & pateris mala,
DEUS recusat perdere.
Laboris est seges, salus.

Quicumque, puriori
Cor incitatus cœstro,
Aves parare nomen
Decusque sanctitatis;

Atro licet noteris
Falsæ colore culpæ;
Id ore fer tacente,
Id fronte fer serenâ:

Id corde fer quieto.
Tantum scelus patravi,
Dic; verbulo nec uno
Fictum nefas refelle:

Ni fortè tu vel alter
Passurus inde damnum,
Famæ gravi periculo,
Aut corporis labore;

Sic magnus ille quondam
Paphnutius, silenti
Est passus ore turpis
Probrum notamque furti.

L 3 Theo-

Theodora sic (licet lux
Phariæ secunda terræ)
Infamia pudendæ
Falsò notata culpæ:

Quamvis & haec & ille,
Fraudis sciens iniquæ,
Gravi piaret insons,
Ceu vera probra, damno.

Tales fuere mille,
Quibus probata virtus
Ad astra fortiore
Dedit volare pennâ.

O sanctior ferendæ
Calumniæ voluntas !
Quantæ soles serenas
Mentes beare luce !

Hinc pectoris benigni
Tranquillitas stupenda,
Nullo movenda motu,
Cælo, Deoque fixa.

His certiora Vates
Numquam Sybilla dixit;
Quæ me tamen canentem
Profana turba ridet.

Ignara turba veri,
Egena turba mentis,
Vim veritatis audet
Meras putare, nugas.

At, abditam quibus rem
Dedit probare virtus,
Me, corde teste, jurant
Haud frivolum Poëtam.

25. Te spernit alter, & tua ?
Nil verere : ama DEUM.
Quo plus amas ; hoc plus amat:
Amor est amori præmium.

Sperni recusas & pati ?
Semen recusas gloriae:
Est turpitudo nobilis,
Turpem videri pro DEO.

Animi altioris est nota,
Optare sperni : altissimi,
Gaudere : superas, si potes
Amare qui te spreverint.

Superbus es, quisquis fugis
Sperni, atque despœctus doles;
Nec signa reddis debiti
Amoris, à quo sperneris.

Spe liber, & vano metu,
Ut vera suspires bona,
Te sperne : honora ceteros;
Et sperne sperti à ceteris.

Calumniarum & scommatum
In te acta tela despice:
Indigna pro dignis habe.
Sinit Deus : quid dignius ?

Calumnias, fannas, probra,
(Quæ sœpè spes hominum leves
Turbare mœstitia solent)
Pro laude latus excipe.

Est bulla rumor. Quidlibet
Pro more de te murmurat,
Aut vulgus illi succinat,
Nihil morare : sta in DEO.

Dolor,

Dolor, voluptas, gloria,
Infamia, ut solent, fluant:
Res nulla, te fixum DEO,
Caduca decutiet loco.

Ne crede plus de te alteri,
Quām tu tibi: vulgi levis.
Leves susurros, ne quidem
Vnius assis æstima..

Mera bulla vulgi opinio.
Miranda sit felicitas,
Prodesse conari omnibus,
Et displicere nemini.

Spe major humanâ, omnibus.
Placere, sors est: te licet.
Vox plebis ornet, nil tuo.
Addet bono, aut demet malo.

Spernente vulgo, te novum
Fecisse questum deputa.:
Laudata doctis, & piis.
Probata, vulgus improbat.

Nemo unus omnibus placet:
Rarus bonus, plures mali.
Mâlis bono vel unico
Placere, quām centum malis.

Vni bono quisquis potest
Placere, sat multis placet.
Mâlis proinde uni bono
Placere, quām multis malis..

Multis malis cùm displices;
Paucis tamen places bonis:
Mâlis placere pauculis,
Malè quām placere pluribus.

Contemne, honora quos decet.
Rectis probari mentibus,
Honesta laus est: improbis
Placere, dedecus puta.

Quòd omnibus multum placeſ,
Hoc vita dispiceat tua:
Suspecta vir prudens habet
Quæ maximè vulgo placent.

Te quando vulgus æstimat,
Hinc æstima quām sis miser:
Nisi turba te deriserit,
Nondum beatum te puta.

Te nec bonum laudatio,
Nec probra te facient malum:
Non laude fies pulchrior,
Nec turpior calumniâ.

Placere tu quidem omnibus
Conare; nec spera tamen.
Age justa: nemini invide:
Ama bonos, & æstima..

Heri serebas, & tuis
Pluviam precabaris satis:
Hodie viator, imbribus
Precaris optatis malum.

Vnus tot ingratîs Deus,
Tibiique non semper placet:
Te posse semper omnibus
Placere, ne frustrâ putas.

Placere, nec placeat tibi,,
Nec displicere: si placet
Tibi displicere, aut displiceret
Tibi placere, æquè sapis.

Malis

Malis placere si studes,
Prodesse non potes bonis:
Bonis nocere non timet,
Placere qui cupit malis.

26. Livoris & calumniæ
Spreta exolescunt spicula.
Ostendis iras? agnatum
Videbitur culpæ probrum.

Nil corde recto ditius,
Nil innocentē tutius.
Amas timere neminem?
Ama nocere nemini.

Injuriam fieri tibi
Nullam putabis, cùm nihil
De te arroganter senseris:
Vexata crescit lenitas.

Opus coronat gloria:
Multis tamen, licet bonis,
Ante stat actionibus
Dicti unius patientia.

Probrum fer, & grates age;
Nascetur è probro decus:
Ærumna dum mentem premit,
Ad se Deus cor erigit.

Iuvisse, qui te nunc premunt,
Non pœnitibit: est bonis
Audire pro factis male,
Et ferre iniqua, regium.

Benè fac; ama quæ despici.
CHRISTI esse membrū non potes,
Nisi lætus incedas viâ,
Quacumque præcessit Caput.

Fac, dicta aliorum mala
Vt facta dissolvant tua:
Benefac; ut & de te benè
Animus malignus sentiat.

Benefaciens, calumniam
Securus effugies: mala
Quod lingua se, quod est, probat,
Herumquæ; quid refert tuâ?

Vir magnus es, vir nobilis,
Si more majoris feræ,
Voces tibi oblatrantum
Securus exaudis canum.

Tibi quòd adlatrent canes,
Lætare: parva non quatit,
Nec ima livor, impedit
Excelsa, summis imminet.

Calumniam quòd alteri
Inferre nolis, justus es:
Sed fortis es vir, si potes
Calumniam ingenuus pati.

Tolerantiâ, calumniæ
Ridebis artificem: levis
Hunc lingua dicet feminam;
Tua te virum patientia.

Benè vive: dicta garrulæ
Contemne linguæ: te penes
Non est, quòd unus, aut duo,
De te susurrent rabulæ.

Aliquid sinistri clanculūm
De te susurrat sannio:
At fama de illo publica
Nihil susurrat clanculūm.

Non

Non unus adfirmat palam,
Mendacii quod sis parens,
Ab ore cuius veritas
Dudum fugata fuderit.

27. Durum est silere, cum tibi
Injuria infertur gravis:
Est, cum silere nescies,
Parata noxa durior.

Calumniarum spicula
Taciturnitate discute:
Ad verba stulti qui tacet,
Respondet apte, & plus satis.

Os innocens silentio
Se purgat, & loquitur satis:
Tacentis ingenuus pudor
Est grandis excusatio.

Ne dente mordacem pete:
Lima, omne quae ferrum solet
Mordere, nescit contumax
Morsum timere viperæ.

Mentis bonæ tranquillitas,
Modestia, & patientia
Dabunt silendo, ut optima
Loquaris, & persuadeas.

Ab ore freni nescio
Fit vulnus immedicable,
Nisi medearis unico
Oblivionis pharmaco.

Calumnia, obtrectatio
Torquebit innocentiam;
Sed falsitati posthuma
Supernatabit veritas.

Accusat innocentiam
Damnandus à puerō senex;
Ne desit innocentiae
Etiam patronus innocens.

Suber supernatæ fallo,
Mergique nescit: quod magis
Livore virtus stringitur,
Hoc elevatur altius.

Linguæ impudentis, veritas
Calumnias citè dissipat.
Infrenis oris est frequens
Vectigal infortunium.

Argutulis loquaculus
Tacitum petis ratiunculis:
Sed ille, sic victus, tuæ
Non invidet victoriae.

Benè quod facis, carpit malus:
Sibi hic nocet; prodest tibi.
Gaude, tuumque auge bonum;
Sed invidi dole malum.

Cui rectè agendo displices,
Illi nocet, nihil tibi.
Mutare, non in te bonum,
Sed in altero malum stude.

28. Opus optimum livor malus
Obtrectat, & solens facit:
Si res bona invidiam parit,
Quis vitet invidiam bonus?

Malo vidente, fac bonum;
Illo invidente, nil age
Cur criminari te queat.
Mala arbor hunc fructum ferat.

M

For-

90 OLIVERII FLORENTII WATERLOOP

Formidine invidiam fugis?
Indigna res verè viro.
Ne te illa cedentem premat,
Virtute palma stet tibi.

Virtute livorem doma:
Frustrà pusillus cogites
Placare livorem metu;
Hoc fractus, illum digeres.

Si, laude quod dignum facis,
Obscurer invidentia;
Novam pete à speculo tuæ
Infirmitatis gloriam.

Minoris invidentia,
Majoris est felicitas:
Est omnium miserrimus,
Cui nemo prorsus invidet.

Mores in altos non cadit
Inertiae livor comes:
Hic mentis indigentiam,
Vitamque degenerem notat.

29. Si certius rerum omnium
Valor carendo discitur:
Te scire, mi Lector, volo
Quantus sit invidiae valor.

Qui nostra rideas carmina,
Non ista, sed te negligis:
Poteras beatæ plurima
Vitæ doceri commoda.

Nasute, quisquis nauseas,
Versusque distringis meos;
Vis innocentii carmini
Nocere, ne sis innocens.

Amice Lector, his scio
Quid judices de versibus:
Dices bonos, qui sunt mali;
Et optimos, qui sunt boni.

Inique Lector, his scio
Quid judices de versibus:
Dices malos, qui vix boni,
Et pessimos, qui vix mali.

Ni falsus es, vel invidus,
Ne sperne, nec lauda omnia:
Si cuncta laudas, falsus es;
Si cuncta spernis, invidus.

Quæ pulchra sunt, velis licet
Videre, stulte, non potes:
Quæ pulchra sunt, possis licet
Videre, non vis invide.

Cur pulchra stultus non potes
Videre; non vult invidus?
Mens clara stulto, mens bona
Adesse nescit invido.

30. Vin' scire, cur non omnibus
Probetur hic meus labor?
Hoc nolo multis dicere;
Tibi uni in aurem suggero.

Nescire me unum sat scio,
Quæ scire se multi putant:
Sed nescio an multi sciant,
Me scire quanta nescio.

Plebs imperita quæ probat,
Probare sæpè nescio:
At plebs vicissim sæpius
Probare nescit quæ probo.

Vt

Vt huic adulter, aut tibi,
Aptare frontem nescio:
Non capto, musca, nec sequor
Pinguis culinæ prandia.

Non verba prurientibus
Vendo libenter auribus:
Nil intus inclusum mali
Abscondo; nil simulo boni.

Et oris, & cordis mihi
Iugis placet concordia:
Vbique constat frons mihi
Aperta, sermo candidus.

Major videri publicè,
Quàm sim, recuso: vocabula
Postpono sesquipedalia;
Soccum cothurno præfero.

Non jacto ceras, nec genus,
Nec alia. Non sunt hæc mea:
Mei memor, memet mei
Dimetior modulo pedis.

Aliena mitto. Neminem
Honore minuo. Sat mihi,
Id esse quod sum: ceteros
Id esse quidquid sunt, sino.

Nec opto, nec mos est meus
Homines notare singulos;
Sed tempora & mortalium
Mores malos distingere.

Vbique quòd censoria
Delicta stringat virgula,
Id hujus ævi moribus,
Vix Christianis, imputa.

Genio quidem placabile
Placet meo consortium;
Sed hic ubique turgidæ
Fucum fugit facundia.

Est lingua vendendis mihi
Inepta fumis: vix emo
Minore majus munere;
Majore cur emam minus?

Haud opto congestas opes:
Mihi est abunde, qui famem
Sedat cibus, scyphus sitim,
Et lana, quæ frigus fugat.

31. Vt nemo te spernat, vide.
Suâ ille culpâ spernitur,
Qui quid loquatur haud capit:
Aut canticum surdo canit,

Qui re indigenti supplicat;
Qui musca mensis imminet;
Ab hoste qui laudem petit,
Vel à tenace peculium;

Qui doctiorem se docet;
Prudentiori qui præst,
Qui se, simul loquentium
Injussus infert in gregem;

Qui Principem dicto ferit;
Qui spernit urbis Præsides;
Qui non suam regit domum;
Aut non suum tenet locum.



Neminem sperne.

32. **C**Arnes ede, & vinum bibe;
Sed insolentem proximi
A carnibus dentem abstine,
Fex audienti, nex tibi.

Mens & voluntas proximi,
Scientiae boni & mali
Est arbor; hanc te tangere,
Deus Vltor, & Iudex vetat.

Et carpis omnium omnia,
Et unus ignoscis tibi:
Sed iste, quo te amas, amor,
Odium meretur omnium.

Tibi unus uni cùm places,
Et spernis unus ceteros;
A ceteris si sperneris,
Quod antè vendebas, emis.

Tibi places, & ceteros
Contemnis; at contemneris
A ceteris: nunc venditor,
Nunc mercis emptor pessimæ.

Malè alteri cùm dixeris,
Quo jure non malè audias?
Iure audies semper bene,
Si dixeris numquam malè.

Quando tui oblitus, probro
Audes fodalem carpere;
De fronte civilem tuā
Cecidisse lauream puta.

Natura partitur vices:
Dat multa posse dicere
Sapientibus; sed plurima
Dat velle stultis carpere.

Fratrem cavillo qui petis,
Vide te ipsum. Irrisio
Eò unde nata, regeritur.
Parce alteri, ut parcas tibi.

Quod alteri temerariâ
Loquacitate fanno
Malum paras, paras tibi;
Et in tuum spuis sinum.

Qui falsa vel risu acria
Dicteria in fratrem jacis,
Teli venena lividi
Redisce retrò senties.

Nasi, atque dentis spicula
In se redundant: quod notas
In fratre, temet arguit.
Quis est homo, & culpâ vacat?

33. **Q**uamdiu placebit scenica
Dicacitas, irrisio,
Postica fanna, ineptus es
Haurire CHRISTI spiritum.

Vrbanitates, & sales,
Ioci, aulicæque ineptiæ,
Quas erubescit mens pia,
Deo sacrâ exulent domo.

Te cordis index optimi
Oris decet serenitas,
Et nata cælo gaudia;
Sed futilis vita jocos.

Gaude

Gaude quòd obsequeris Deo:
At gaudio, & linguæ modum
Ni ponis, expers spiritū,
Et lucis internæ, gemes.

Dicacitatis unguine
Ne profer illitos sales:
Virtutis indoles jocos
Amariores non amat.

Gustum sinapi provocat;
Sed lacrymas idem ciet:
Quem scomma risum procreat,
Hunc & sequuntur lacrymæ.

Tacere mālis, quām sales.
Illiberales fundere,
Aut verba coram Principe,
Redditura per jugulum, loqui.

Lambendo mordes? & joco
Tectum jacis convitium?
Est oris improbi nota,
Melle illitos lapides loqui.

Vita venenatos jocos,
Et felle suffusos sales.
Condisce verbis neminem.
Mordacibus distringere.

Aliena scurrili joco
Ne carpe facta: cùm tibi
Sat curta sit virtus domi,
Te cerne, te purga priùs.

Si vel joco absentem feris,
Præsentis ut des auribus;
Linguæ timebit hic tuæ
Pòst vapulare verbere.

Qui tangit absentem probro,
Tuas ut aures mulceat;
Is & tuam petit cutem:
Hac peste te mox exime.

Qui recta non solens facis,
Ne censor alterius velis
Notare curva: nil minus
Hæc stulta res sit, quām mala.

Sodalium de moribus
Ne calculum fer è tuis:
Quām censor alterius frequens,
Tam rarus est censor sui.

Aliena ne cerebro ex tuo,
Staterà iniquâ, examina.
Ignosce socio; nec tui
Te judicem fratris gere.

34. Opus caveto carpere,
Quod æmulari est arduum:
Obturet os dicacius
Silentii pater pudor.

Quid in venusto corpore
Nævum notas? quid efferâ
Scabie obsitus, tubercula,
Papulasque rides? Te vide.

Vis pœnitere, dum leves
Lapsus amici examinas.
In fratre festucam notas?
At quis tuam feret trabem?

Tu te tui tutissimum
Fac judicem: ex oculo tuo
Trabem ejice; &, si pòst vacat,
In fratre festucam vide.

M. 3. Tibi

Tibi tribuantur tubera
Vitio vereris ne tua?
Hæc deprecare; & omnium
Ignosce verrucis prior.

Aliena qui numeras mala,
Te calculo damnas tuo:
Tua seriatim digere,
Numeroque pondus adjice.

Tuum cor, & corpus vide;
Extraque, & intra discute:
Ut fratri adnotes probra,
Nec mens nec hora suppetet.

Minora dum alterius vides
Errata, nec vides tua
Majora; es imprudens tibi,
Nimisque prudens alteri.

Haud lucis expertum decet
Damnare tenebras. Tu stude
Carere labe, cum voles
Aliena facta carpere.

Tua facta prudens inspice;
Aliena simplex transfilii:
In fratre quod cernis bonum
Piumque, sectari stude.

Peccata nec soles tua
Videre, ferre nec potes:
Quâ Iuris ergo regulâ
Aliena facta judices?

Cur indecorum in altero
Vides, quod in te non vides?
Oculi alieni nævulos
Oculus videt, numquam suos.

Cur rarus in se corripit,
Quod in altero carpit malum?
Affluita jam dudum suo
Natura blanditur malo.

Meus oculo caret oculus,
Mens mente; talpæ sunt sibi:
Cui ergo quid sim, quid sciam,
Ausim roganti dicere?

Non alterum, sed te excute:
Aliena mitte; te vide.
Hoc cedet in lucrum tibi;
Ditabit illud alterum.

Errata fratri transvola;
Tua disce, lustra, discute.
Sit grata fratri Caritas,
Severa Veritas tibi.

Vbi sale verbi, proximi
Culpam voles perstringere;
Tua te premat: dic; Hoc malum
Quod damno, feci, aut fecero.

Homo rarus es, si in alterum,
Idem quod in te, cogitas:
Sed rarius, si inter tua
Errata dissimulas nihil.

Vir justus unum se, & sua
Peccata damnat; alterum
Excusat: inspector sui,
Laudator idem proximi.

Alios monere, si jacent,
Aut si quid errent, novimus:
At nostra prætercurrimus
Errata: nemo se videt.

Cur

Cur noctuino propria
Errata lustras lumine,
Aliena milvino vides?
Propriora projicis procul,

Oculis ubique lynceis
Aliena facta pervides:
At negligis tergum tuæ
Videre, talpa, manticæ.

Tibi talpa, talpa Numini,
Es Argus & lynx ceteris:
Attende Numini, & tibi;
Deum verere, te vide.

Aliena rides, & notas?
Ridenda propinas tua.
Sunt ista sœpe mutua,
Reditque fors cum fœnore.

In altero nil despice;
Tua dicta, facta respice:
Meliora nihilo se tibi
Spectâda in hoc speculo dabant.

Alius artem despicias?
Alius tuam: subeunt vices
Despectus & laus, mutuam
Laudem atque despectū trahunt.

Est si quid in malo mali,
Hoc turpis arrodit culex:
Minimū quod in bono est mali,
Est pessimæ linguæ optimum.

Errata amici paucula
Virtutibus multis tege:
Quis ille tam plenè bonus,
Ut vel levi careat malo?

Aliena sordent? & tua
Sordere possunt alteri.
Vitanda quin potius tibi
Vides in alterius malis?

35. Vndas maris de littore
Spectare dulce: tu stude
Vitare cautus, quod vides
Alius in malo malum.

In proximi lapsu, tui
Speciem vide discriminis:
Vnius exitium, tui
Exemplar est periculi.

Suspectus esto tu tibi;
Non hic, vel alter, aut ego:
Tibi alter esto, ego mihi.
Ruit sibi, quisquis ruit.

36. Alienâ quæ carpis bona,
Carpendo non facis tua.
Laudando sed facis tua,
Aliena quæ laudas bona.

Quod non quieto lumine
Insperieris, ne despice:
Nec argue ex bono malum;
Sed erue ex malo bonum.

Qui quod bonus facit, male
Interpretatur, mentis est
Nullius, aut mentis male;
Indignus audiri à bonis.

Quem judicant plures bonum,
Ne censeas unus malum:
Male arbitrandi de bono,
Multis fit ansa fatuitas.

Lau-

Laudanda lauda sobriè:
At jure quem laudaveris,
Ne carpe : mentis est malæ,
Laudare eumdem, & carpere.

Fuge curiosum, qui sui
Incurius lustrans tua,
Scit antè quid mali tibi,
Quàm quid sibi accidat boni.

37. Ne sperne quemquā:neminē,
Nocere qui nequeat, puta.
Quemvis saluta : cuilibet
Hoc defer obsequium prior.

Qui purus est affectuum,
Nihil sinistri in altero;
In se videt ; se corripit:
Sunt munda mundis omnia.

Sunt manca, sunt mutila omnia:
Est nemo, cui desit nihil.
Deest singulis aliquid ; tuis
Carere te nævis putas?

Sua quemque torquent noxia:
Suas reservant optima
Falerna feces . Est nihil
Plenè beatum sub Polo.

Noris, bonarum quàm tibi
Rerum sup' ellex sit brevis;
Et messe propriā tenus,
Non erubescas vivere.

Soli D E O deest nihil.
Beatus es, quisquis tuum
Ab homine non speras bonum,
Sed ab optimo expectas D E O.

38. Nec gaudium fratriis mala,
Tibi, nec bona invidiam creent.
Fratri quod est benè aut male,
Cense bonum aut malum tibi.

A veritate devias,
Fallisqué te, qui te & tua
Miraris, & nulli alteri,
Soli tibi, te comparas.

Virtute, quâ forsitan nites,
Quare carentem despicias?
Hic forsitan ex aliâ nitet
Virtute, quâ certò cares.

Majora naëctus es bona?
Moderare ; fastuque abstine:
Minora spernentem, æquior
Te jure spernet arbiter.

Spernis quod est facile tibi ;
Captumque quod superat tuum,
Majore fastu despicias:
Vtrinque cordis indiges.

Homini suas, cum sis homo,
Quid inanitates objicis?
Natura, mater omnium;
Noverca, sors est omnibus.

Conferre te aude nemini ;
Tibi præfer omnes : omnium
Postremus esse inter bonos
Ama: sit hoc sat, & nimis.

Vide cui te conferas ;
Vide cui te præferas :
Si conferendo despicias,
Te præferendo quid facis?

Te

Te pœnitere nunc decet,
Non prænitere ceteris :
Altissimo stabis gradu,
Cùm te locaris infimo.

Cur quilibet se ceteris
Præfert libenter ? An quia
Secunda Tu, Ille tertia,
Sed prima persona est Ego ?

Te quando cum minoribus
Metiris atque comparas ;
Virtutis à fastigio
Quàm sis remotus, haud vides.

Hinc intumescis, intuens
Modulum minorum gentium ;
Et alta de te sentiens,
Donare vis quibus cares.

Dedisse quemquam spernere ;
Et disce sperni ab omnibus :
Vilis videri nescius,
Opinione fallitur.

Si neminem vis spernere,
Nec ferre vis censoriam
De ceteris sententiam,
Te, quamque sis miser, vide.

Inertiæ memor tuæ,
Quàm nil habes facti, vide;
Ne, perditâ modestiâ,
Perdâris à superbiâ.

Quàm sis inanis atque inops
Cælestium rerum, vide ;
Et à piis supplex opem,
Stipemque mendicus pete.

Miser es : sed hoc uno tamen
Felix, quòd esse te vides,
Deique quòd tua supplicat
Miseria misericordiæ.

Quòd esse te miserum vides,
Homo es miser, non bestia.
Tua æstimetur humilitas,
Quòd æstimari amas miser.

39. Summo placere vis DEO?
Ne sperne plebis infimum :
In vase Numen fictili
Numos recondit aureos.

Non corporis cultu virum,
Sed mentis ornatu æstima :
Subinde sub vili togâ
Pretiosior virtus latet.

Quàm sæpè in occulto latet
Mens magna, servulus docet :
Sic servulo est herus minor,
Qui corrigi à servo timet.

Humilis palidis incola
Noli invidere diviti :
Potest pusillâ (imò solet)
Exire magna mens casâ.

40. Immensa possideas licet,
Cares teipso, sensuum
Quando cares modestiâ.
Quàm pauper est, qui se caret !

Benè fit ; abundes ; sat tibi
Videare dives : ni vides
Quàm multa desint, te tui
Quis esse compotem putet ?

N. Dant

Dant larga valles pascua;
Dant parca colles gramina:
Sapit modesta mens satis;
Parum, superba, vel nihil.

Arista vacua effert caput:
Arista granorum gravis,
Submittit. Hoc minus tibi
Confide, quò plus possides.

Arista inanis stat, caput
Erecta, curva est plenior:
Inane sic ovum natat;
Plenum sub undā desidet.

Sublata frons, oculus vagus,
Vox tinnula, arrogantiæ
Virus latentis indicant:
Vas quod vacat, tinnit magis.

Tibi quando confides nimis,
Falles frequenter ceteros,
Te semper: illis & tibi,
Tui timore consule.

Novissimo sede loco,
Paratus aut mori aut pati;
Hinc vera læto pectori
Pax atque libertas erit.

Comes ruina superbiæ:
Homines ad astra subvehit
Mens mitis: hæc faciet tui
Te sola voti compotem.

Modulo modesto te & tua
Metire: nec temerè altius
Ausis cacumen scandere,
E quo ruendum sit tibi.

Scalis in altum putridis
Qui scandis, hoc audaciæ
Te divitem factō probas,
Sed pauperem prudentiæ.

Præceps in exitium ruit,
Quisquis superbus ambulat:
Ad astra vir sui memor
Benignitate tollitur.

Quò te feres hodie altiùs,
Gravior ruina hòc cras erit:
Delapsa ab alto pondera
Celeriter in præceps eunt.

Se quidquid altè sustulit,
Occasui est occasio:
Quercūs ruentis quilibet
Præcisæ ligna colligit.

Quò se quis arrogantiūs
Effert, eò mox fœdiūs
Devolvitur: levis asseclam
Iactantiæ Nemesis time.

Quod altiùs sese extulit,
Puta propinquum lapsui:
Servetur ut felicitas,
Felicitate aliâ est opus.

Non

Superbia, Humilitas.

1. **C**or mite, fastūs nescium,
Inter pares & suppares,
Deposcit vltimas sibi,
Primasque defert alteri.